

第一八〇冊

方輿彙編

職方典

(卷)

麗江府部

一五〇五

元江府部

一五〇六

蒙化府部

一五〇七—一五〇八

永昌府部

一五〇九—一五二二

永北府部

開化府部

一五二三

永寧府部

鎮沅府部

孟定府部一五二四

雲南土司部

一五二五—一五二七

古今圖書集成

中華書局影印

古今圖書集成
卷一百一十五
目錄


古今圖書集成

卷一百一十五

麗江府疆域圖

界番西

界番蒙



界府慶鶴

金沙蜿蜒玉龍羅均漢數爲之山瀾滄金沙怒江爲之水鐵橋怒浪轟若雷霆石門險關寒入肌骨允矣扼吐蕃之要鎮控南服之巖疆雪銷春水遙連西蜀之偏鱗次碉房直接吐蕃之字語天塹則金沙黑水論地利則鐵橋石門重關壁立雄視諸彝四屬星羅俯臨中甸爲南滇之保障作益部之屏翰

麗江府星野考 府志

僧一行以東井輿鬼皆次鶉首也其論井鬼之分野則以南河北河二星分兩界以定之北河爲北界南河爲南界東井居兩河之陰自山河上流當地絡之西北輿鬼居兩河之陽自漢中東盡華陽與鶉火相接當地絡之東南鶉首之外雲漢潛流而未達故狼星在江河上流之西弧矢天鷄皆微外之宿也西羌吐蕃及西南徼外彝皆占狼星由斯以言則麗江逼壤吐蕃爲井鬼分野明矣占象者宜於天狼弧矢之間究心焉昔人謂弧矢直射狼星不宜偏側端主西南彝而南河北河兩界適居鬼井之中尤宜推驗

麗江府山川考 通志府志合載

象山 在府西北五里其下有泉卽鶴慶漾弓江源也
吳烈山 峰巒起伏環拱府治在府東十五里其東南五里爲東山
珊碧外龍山 在府西南二十里孤峰崒崒上產竹箭
雪山 在府西北二十里一名玉龍山衆峯插雲兩崖壁立金沙江過其中山巔積雪四時不消遠望如玉飛流峻谷不可窮數蒙氏號爲北嶽
阿那山 在府北七十里按明一統志在寶山州西南一十五里有阿那和寨
珊蘭閣山 在府北八十里按明一統志在寶山州北八十里
雪盤山 在府西南二百里按明一統志在蘭州南二十里四時常積雪
福源山 在府西二百五十里按明一統志在蘭州治北延互東南五十餘里
老君山 在府西南二百五十里卽羅均山
花馬山 在府西北三百五十里山多花石琢露馬形故名
漢藪山 在府西北五百里高可萬仞上有三湖各寬五畝深不可測
黃山 在府治西土俗正月初旬男女羣聚樹木壇中祭天於此
芝山 在雪山西南麓林景清幽上有解脫禪

林明熹宗賜名福國寺

南山 在府城南一十里岡巒秀坦府之案山馬左聖他郎場山 在府南三十五里土人以爲牧地
風羅大山 在蘭州西三百餘里山極高厚沿瀾滄江直接永昌
金沙江 在府東北一百五十里遶而南流卽麗水也源出吐蕃犂牛石下名犂水訛犂爲麗過雪山經府界江出金沙故名金江元世祖征大理從此濟師
瀾滄江 在府西南三百里源出吐蕃嵯和歌甸流經舊蘭州界西南流達於南海按明一統志東漢明帝永平中始通博南山道渡瀾滄水卽此
怒江 源出西域經怒彝地故曰怒江入府境出野人界又入永昌名潞江
玉河 源出象山北麓有泉數處湧出匯流成溪至雙石橋分爲二派一經入八河一由白馬里刺縹里至東園橋合流入鶴慶爲漾弓江附郡之田地處高阜者賴此與清溪二水滋灌先時泉忽自竭土人朝暮祈禱後復湧出如故
中海 在府西北十里山水匯聚成潞以備蓄洩週三四里
清溪 其源有二一出東山一出雪山至東園里合流遶府前入鶴慶界
龍潭 在府西南十里闊數十畝四畔草結封牌履及一方三方皆動人或近之風雨輒起

溫泉 有四一在府治東北八十里白水河邊

地名阿失村一在府治西一百六十里北浪滄

之北金沙江濱一在府治東南一百里地名無

土一在蘭州七坪村東澗十里許深谷之中水

淨潔無硫磺氣浴之能已風濕

康泉 在府治前味極甘冽爲麗泉第一飲之

能除疾病

苦泉 有二一出吳烈山澗一出刺沙村其味

微苦飲之能却疾

白石溪 在蘭州西中多白石

水利附

清源渠 源出東山雪山流經府治以灌田

麗江府關梁考

通志

坵塘關 在府城南二十里郡之門戶

雪山門關 當麼些吐蕃之界險峻天成元世

祖由吐蕃入大理破石門關明初傳有德定麗

江破石門關卽其地也

雙石橋 在府城西北雙洞玉河水經此分爲

二派

萬鈞橋 在通判署前跨玉河

吉祥橋 在白沙里北跨清溪

清龍河橋 在東河里跨清溪

東員橋 在府城東南五里跨清溪源出雪山

以石爲之

鐵橋 在舊巨津州北一百三十餘里跨金沙

江考建橋之時或云吐蕃或云隋史萬歲及蘇

榮或云南詔閣羅鳳與吐蕃結好時置吐蕃嘗

置鐵橋節度後異牟尋歸唐與韋臯合兵破吐

蕃斷鐵橋卽此所跨處穴石錮鐵爲之冬月水

清猶見鐵環

金沙江渡 在阿喜汎江外卽中甸向屬內地

自康熙十六年吳三桂求援於蒙古割中甸地

賂之遂爲外地不通商旅迨二十七年達喇喇

嘛求互市於金沙江總督范承勳以金沙江屬

內地奏請於中甸互市遂設渡通商貿易凡出

口者給照票驗放爲內外要關以鶴麗三營守

備輪防

麗江府公署考

府志

麗江府治 明洪武十六年土官建世襲掌印

土知府管理彝民徵解錢糧署在大研里西南

隅黃山東麓

流官通判署 在大研里東南掌麗江府通判

關防一顆專理學政

經歷司 在府治內隅象山南麓

麗江府學校考

府志

麗江府儒學 前未設學康熙三十九年通判

孔典詢詳請捐俸草創至四十五年設學始建

在府治之東規制悉照東魯家廟式

義學 八一在府治西玉河書院一設白沙里

一設東和里一設刺是里一設刺沙里一設七

和里一設大研里一設白馬里康熙四十七年

土府木興置義學田一設計二十雙一畝一分

坐落寨後歲納租麥二十石五十年通判俞文

耀捐典義學田十一坵歲納租麥六石又勸墾

吳烈里荒地十塊

麗江府戶口考

通志

戶三千三百零二口五萬三百三十九新附降

彝一千一十九名

麗江府田賦考 通志

田地原係彝方免丈照額辦納
寔徵民賦夏稅麥一千二百一十六石四斗八升二合一抄五撮奉文以麥折米徵收該麥折米八百六十八石九斗一升五合七勺二抄五撮
實徵民賦秋糧米四百八十三石五斗二升八合四勺五抄三撮
實徵條編地畝銀七百三十九兩三分一釐八毫一絲七忽六微六纖七塵六渺
一起運布政司項下起運銀三百四十二兩一錢一分一釐八毫一絲七忽六微六纖七塵六渺
存留俸工項下通判官役俸工銀二百一十兩
教授訓導兩官同俸官役俸工銀七十九兩五錢二分
表箋銀三兩六錢
支給項下祭祀銀四十六兩
鋪兵工食銀九兩八錢
餉糧銀四十八兩
一本色
寔徵夏稅麥折米秋糧米共一千三百五十二石四斗四升四合一勺七抄八撮聽候糧儲道撥放報銷

麗江府祠廟考 通志

風雲雷雨山川壇 在府治南
社稷壇 在府治西
郡厲壇 在府治北
城隍廟 在府治西
文昌廟 在府治後
關帝廟 在府治南康熙四十六年通判樊經會同土府木興捐建
北嶽廟 在府治北雪山之麓
吳烈祠 在府治東山下
寺觀附
觀音堂 在白沙村
福國寺 在白沙里北芝山上舊名解脫林明熹宗改名福國寺

麗江府風俗考 通志府志合載

衣同漢制俗不類澤板屋不陶焚骨不葬帶刀為飾服食儉約麼些古宗或負險立寨相讎殺為常兩家婦女投場和解乃罷節令飲饋與列郡同
圖說蕎麥資生秉性頑悍柴弓竹箭捕禽為食無牧畜亦無布疋
地近西域好佛信鬼首重例祭輪值之歲凡親屬悉赴飲食雖至貧之家亦勉強應酬男子穿

耳帶環婦女統裙尖帽婚嫁不拘族屬服食陋糲種類不一曰麼些曰獐獐曰古宗語言各異其府治十二里皆為麼些率皆和姓獐獐最為梟悍出入佩刀懸弓輒相讎殺至古宗則吐蕃種類也居江外中甸今雖設學校而彝民頑梗驟難教化

麗江府兵制考 府志

鶴麗鎮劍川協分防麗江汛地
石鼓 鶴麗鎮左右兩營遊擊輪汛兵丁六百名
阿喜 鶴麗鎮三營守備輪汛兵丁三百五十名
塔城 鶴麗鎮千總防汛兵丁一百五十名
鳴音吾 鶴麗鎮千總防汛兵丁一百名
北浪滄金江 鶴麗鎮千總防汛兵丁一百五十名
巨甸 鶴麗鎮把總防汛兵丁一百名
麗江府治 鶴麗鎮把總防汛兵丁一百名
大具 鶴麗鎮把總防汛兵丁一百名
橋頭 鶴麗鎮把總防汛兵丁一百名
倅可 鶴麗鎮把總防汛兵丁五十名
河西 劍川協千總防汛兵丁一百九十名
托甸 劍川協把總防汛兵丁六十名
托丁 劍川協把總防汛兵丁一百名

麗江府物產考 通志

無芒麥 出寶山穗無芒而實圓

犛牛 尾可作纓

紫金錠 以雪山水和硃砂麝香諸藥爲之能

敷衆毒

毛氈 稽璽 自然銅

青石漆 花馬石 牛黃

阿魏

大犬 卽獒也

唵叭香 出吐蕃外境

麗江府古蹟考 通志

麥宗墨跡 在府北沙西園巖上皆番字不能

辨

鐵板城遺址 在鐵橋南

大匱寨遺址 在寶山州唐麼些蠻兄弟七人

居之曰大匱曰羅邦曰羅寺曰礙場曰卞頭場

曰當波羅場曰當郎將元世祖南征至大理悉

內附

麗江府土司考 通志

土知府

木得在元爲麗江宣慰司副使明洪武初入貢

歸附後以克石門寨功授土知府又從吉安侯

征巨津捕阿奴聰於土蕃斬僞元帥朱保及沐

西平征景東定邊咸在行間得死子初襲值白

交山及僞平章賈哈喇麓川思任之亂咸有戰

功其後世居西陲捍土蕃每有征調則輸兵餉

而兵不出沿八世至木增代有錫予增在任值

北勝蠻搆亂以兵擒首逆高蘭又值遼左軍興

輸餉二萬於大司農會鼎建宮室亦輸金陳言

十事下部議可嘉其忠誠特晉參政賜璽書榮

其先世尋請老子懿襲

皇清平滇懿投誠隨以地接蒙蕃受僞封情由具題

康熙七年以其長子木靖承襲十年木靖病故

無嗣舉胞弟木櫟於十一年五月內奉文承襲

櫟病子木垚襲

舊設今除土官

木日本府人明初從征麓川有功授本府照磨

沿至木苴刺未襲而死世絕

通安州土官高賜在元爲義兵萬戶明兵平南

賜從征佛光寨招諭未附者以軍儲餉大師授

通安州州同

蘭州土官羅克亦仕元爲萬戶明洪武中率衆

來歸以軍功授土知州其後有羅牙者從目初

征伯彝刁於孟亦著戰功 按府志現任土知府木興其先世祖麥宗西域

人也至宋理宗末始由西域涉雪山渡金江入

麗江具有神異會各處方語土人奇之遂推爲

會長焉宗故子阿良繼會元世祖以革囊渡金

沙江破石門關定麗江遂改爲麗江路授良以

麗江路軍民總管之職賜查罕章印

麗江府部藝文一

議開金沙江書

明楊士雲

按志金沙江古名麗水源出吐蕃界共龍川犁牛石
下名犁水訛犁爲麗東經巨津寶山二州三面環麗
江府東經鶴慶受樣弓江諸水又東經姚安府受青
蛉大姚龍蛟諸水又東經楚雄定遠受龍川江諸水
又東經武定府受元謀西溪諸水又受滇池螳螂諸
水又東經東川府西入滴瀘部受尋甸牛關谷壁哨
嚙化諸水又東經烏蒙南又東經鹽井建昌會川越
嶺諸衛合瀘水受懷遠宜遠越淇雙橋長河瀘湘大
洞魚洞羅羅打冲東河熱池諸水又東至馬湖府受
泥淇大小汶諸水又東至敘州府受大江此南中西
北之險蒙氏僭稱北瀆者也按史漢武帝遣馳義侯
開越嶲郡尋遣郭昌等開益州郡諸葛武侯渡瀘南
征斬雍闓擒孟獲遂平西郡定滇池皆先奪此險也
始通西南諸彝歷晉迄隋通壅靡常至唐蒙氏世爲
邊患至會龍極矣屢寇黎雅一破黔中四盜西川皆
由據此險也遂基南詔亡唐之禍宋太祖鑒此以玉

斧畫大渡河曰此外非吾有棄此險也遂成鄭趙楊
段氏三百餘年之僭元世祖乘革囊及筏渡江進薄
大理擄段智興破此險也遂平西南之彝國初梁王
拒命我太祖高皇帝命將征討神機妙算悉出聖裁
諭穎川侯等曰關索嶺路本非正道正道又在西北
蓋謂此也班固謂皆恃其險乍臣乍驕范曄謂憑深
阻峭紆徐岐道宋祁謂喪牛於易患生無備誠確論
也夫雲南四大水惟金沙江合江漢朝宗於海為南
國紀天設地造本為天下用也歷代乃棄諸彝酋資
其桀驁雖建立城戍斤斤自守時或陷沒豈知天有
宿度地有經水人有脈絡禹貢於每州未必曰浮某
水達某水入某水逾某水蓋紀貢道達帝都著天下
大勢以水為經紀也孰謂滔滔大川可浮可達反舍
而陸乃北至末寧東至鎮遠不亦勞乎禹外薄四海
各迪有功夫一勞久逸暫費末寧執事之議詳矣為
國家慮深且遠矣所謂計費吝賞責效讒言斯固古
今之恆態不可成天下之事者也然英傑見同必有
繹之者續神禹疏鑿之績恢四海會同之風息東西
兩路之肩拊滇雲百蠻之背昔為絕險奧區今為掌
中腹裏皇明大一統無外之治億萬年無疆之休實
在於此凡有識者咸日望之庶幾見之惟執事留意
幸甚

麗江府部藝文二

作都夷歌三章

漢白狼王唐菽

作都夷者武帝所闢以為作都縣後漢西南夷傳
曰明帝時益州刺史朱輔宣示漢德威懷遠夷自
汶山以西前世所不至正朔所未加白狼槃木等
百餘國皆舉種稱臣奉貢白狼王唐菽作詩三章
歌頌漢德輔使譯而獻之

遠夷樂德歌

大漢是治與天合意吏譯平端不從我來聞風向化
所見奇異多賜繒布甘美酒食昌樂肉飛屈申悉備
蠻夷貧薄無所報嗣願主長壽子孫昌熾

遠夷慕德歌

蠻夷所處日入之部慕義向化歸日出主聖德深恩
與人富厚冬多霜雪夏多和風寒溫時適部人多有
涉危歷險不遠萬里去俗歸德心歸慈母

遠夷懷德歌

荒服之外土地磽确食肉衣皮不見鹽穀吏譯傳風
大漢安樂攜負歸仁觸冒險狹高山岐峻緣崖礮石
木薄發家百宿到洛父子同賜懷抱匹帛傳告種人
長願臣僕

華馬國

元木公

巨津州名昔元世祖駐蹕於此而封

政暇西巡華馬國

麗江府近西
域烏思藏
鐵橋南度石門關

金沙江隋史萬歲

及蘇榮所建
北來黑水通巴蜀東注三危萬里

山

升庵云書經纂言注引樊綽書麗水為黑水一名
祿禪江羅些城北有山即三危山其水從羅些城

三危山西南行上流出於西羌吐蕃下流南至蒼
望城又南至雙王道勿川有瀾諾江西南來會南
經驃國之東而入海羅些乃南詔吐蕃南北相距
之地雪山世守此土知之必真三危之山在麗江
無疑矣

雪山歌

明李景

麗江雪山天下絕積玉堆瓊幾千疊足盤厚地背摩
天衡華真成兩丘垤平生愛作子長遊覽勝探奇不
少休安得乘風凌絕頂倒騎箕尾看神州

登雪山

朝遂祖

山高摩蒼穹積雪何年始澗壑下縈迴水奔石齒齒
方夏偶經過肌膚猶粟起絕頂人莫升仙靈應會此

望雪山

謝肇淛

山行數百里貿貿靡所屆迴上四盤坡我馬痛以憊
千峯繞翠屏驚見玉龍掛爛如白芙蓉橫聳青天外
斜日正照耀銀宮起光怪皓質互四時千秋復萬代
元鶴不敢棲路草綠映帶未懷面壁蹤結想香林界
坐令俗骨清頓覺神情快安得馭冷風凌虛飲沆瀣

霽虹橋

楊慎

織鐵懸梯飛步驚獨立縈縈青霄平騰蛇遊霧瘴氛
惡孔雀飲江烟瀨清蘭津南度哀牢國蒲寨西連諸
葛營中原回首踰萬里懷古思歸何限情

蘭滄江

黃中

蓬婆之水下星峽怒濤直撼馮彝宮鐵柱齧蝕銷飛
蜃石壁突兀撐晴空博南初度歌猶怨諸葛重來路
始通江霧霏霏江樹暝飄飄疑是躡天風

麗江府部紀事

通志昔有人耕於麗江之野忽風雨暴至捲入龍潭至今或見其人及牛犁旋繞其中

宋寧宗嘉定十七年元太祖帖木真征東印度至鐵橋石門關前軍報有獸一角形如鹿而馬尾色綠作人言曰汝主宜早還左右皆懾獨耶律楚材曰此名角端蓋旄星之精能四方言語好生惡殺聖人在位則斯獸奉書而至且能日馳萬八千里靈異如鬼神不可犯也帝即回馭石門關在麗江府東印度蓋指南詔也

元史地理志麗江路軍民宣撫司路因江爲名謂金沙江出沙金故云源出吐番界今麗江卽古麗水兩漢至隋唐皆爲越嶲郡西徼地昔麼蠻些蠻居之遂爲越析詔二部皆烏蠻種居鐵橋貞元中其地歸南詔元憲宗三年征大理從金沙濟江麼些負固不服四年春平之立茶罕章管民官至元八年立宣慰司十三年改爲麗江路立軍民總管府二十二年府罷於通安巨津之間立宣撫司

通志元時有麥宗者通安州麼些人生七歲不學而識文字偶入玉龍山中見石盆中水飲之遂知禽鳥之語一日羣鴉在林有鴉南來哀鳴甚急衆鴉從之哀鳴宗曰此雄鴉爲白沙里人所弋迹之果然長而百蠻諸彝之書無不通曉鄯闡國稱爲異人云

麗江府部雜錄

通志邛都南山出銅南中志曰縣東南數里有水名邛廣都河廣二十里深百餘丈有魚長一二丈頭特大遙視如戴鐵釜狀華陽國志曰河有峯雋山又有溫水穴冬夏常熱

遂久華陽國志曰有繩水廣志曰有縹碧石有綠碧靈關道華陽國志曰有銅山又有利慈

臺登出鐵華陽國志曰有孫水一曰白沙江山有磐火燒成鐵

卑水華陽國志曰水通馬湖孟康曰卑音班

三絳華陽國志曰通道寧州度瀘得蛉縣有長谷石時坪中有石豬子母數千頭長老傳言夷昔牧豬於此一朝豬化爲石迄今夷不敢往牧

會無出鐵郭璞曰山海經稱縣東山出碧亦玉類華陽國志曰故濮人邑也今有濮人家豕不閉戶其中多珠人不可取取之不祥有元馬河元馬日行千里縣有元馬祠民居家馬牧山下或產駿駒云元馬子也今尚有元馬逕厥迹存焉河中有銅船東山出青碧

定祚華陽國志縣在郡西度瀘水賓岡徼白摩沙夷有鹽坑積薪以齊水灌而後焚之成白鹽漢末夷等皆食之師古曰祚音才各反

青蛉臨池潛在北僕水出徼外東南至來唯入勞過

郡再行千八百八十里則禺同山有金馬碧鷄應邵

曰青蛉水出西東入江也師古曰蛉音零禺音愚姑

復臨池澤在南師古曰復音扶目反

蘇示居江在西北師古曰示讀曰祗居古美字

潯街師古曰潯音潛又音才心反

欽定古今圖書集成方輿彙編職方典

第一千五百六卷目錄

元江府部彙考

元江府建置沿革考

元江府疆域考

有圖 形勝附

元江府星野考

元江府山川考

水利附

元江府城池考

元江府關梁考

元江府公署考

元江府學校考

元江府戶口考

元江府田賦考

元江府風俗考

元江府祠廟考

寺觀附

元江府驛遞考

元江府兵制考

元江府物產考

元江府古蹟考

元江府土司考

元江府部藝文一

重修玉臺寺記

元江府部藝文二

詩

來青軒

北極宮

元江雜紀

五首

元江府部紀事

明楊慎

明李東陽

前人

楊慎

職方典第一千五百六卷

元江府部彙考

元江府建置沿革考

通志

古西南極邊之地名惠籠甸又號因遠部漢以前不通聲教唐時蒙氏以屬銀生節度徙白蠻蘇張周段等十姓戍之又開威遠等處置威遠險後和泥蠻據其地宋儂智高之黨竄於此尋爲麼些徒蠻阿焚諸部所有元憲宗時內附至元中置元江萬戶府後於威遠更置元江路領羅槃馬籠等十二部屬臨安廣西元江等處宣慰司明洪武十五年改元江府末樂四年改元江軍民府領因遠羅必甸長官司後改因遠羅必甸爲奉化州改他郎寨爲恭順州皇清平滇那高負固討平之順治十八年改土設流後爲元江府領車里宣慰司

元江府疆域圖

元江府疆域考

通志

東至臨安府石屏州界一百里

西至車里界一千六百里

南至臨安府虧容司界三百五十里

北至臨安府新平縣界三百五十里

由府至省七百九十里

東西廣一千七百里南北表七百里

形勝附

明一統志東枕禮社江西瞰瀾滄水北據自樂



山南距交趾界

舊志蘭滄禮社險據江流樓霞玉臺雄稱山峙雖有車里爲蔽可無是郡爲關三江合繞諸緬遙牽峨岷爲河險矣天開巨壑馬籠列嶂壯哉地關重藩

元江府星野考

通志

滇省分野在井鬼之間舊志載之詳矣而元江一郡在滇之西南與猛緬諸部相接壤是元江分野在井天狼弧矢星下此象之彰彰可據者也雖天道渺茫非可臆測而以從前曆法合之今之曆度則星野之占應在狼矢之間無疑矣

元江府山川考

通志府志合載

自樂山 在城東北十里一名樓霞山凡二十峯懸巖峭壁狀若崆峒
奇山 在城北二十里舊名龍爪山上有涵春臺仙人洞奇怪萬狀
玉臺山 在城東五里矗列如臺蒸而爲雲倏忽彌漫一望盡白按明一統志舊名羅盤山凡二十五峯懸崖絕壁險阨難登蒼翠如玉望之若臺

天馬山 在城東南十五里其南爲嵯峨山

路通山 在城東二十里舊名馬籠山青入天際一綫羊腸臨安路由此按明一統志在府城

東二十五里北瞰禮社江高聳千仞蔽虧日月

寶山 在城西三十里圓如螺旋尖峰簪插舊

傳有蠻長藏寶其上因名

因遠山 在城西北七十里泉流瀑布下多村落

落

莽支山 茶山 二山皆在城西北普洱

界俱產普洱茶

駕部山 在城西南九百餘里普洱界山產普

茶

觀音山 在城南七十里一名住雲峯高入雲

表惟攀藤可上山南有岩洞石如螭盤虎跳鶴

立鸞翔之狀登峰遠望臨安石屏山川歷歷在

目歲早禱之多應

飛虹山 在玉臺山腰兩巖層疊其上天窻竇

蓋不可形模中通一洞內有石牀丹竈上下可

容數百人長江潞澗環抱俗傳陳羽士煉丹其

中云

紀特山 在城南三百里外鳥道千重多產奇

花異卉蒼松翠竹鹿豕數十爲羣時有異人跨

鹿戴笠出入山巔迹之不見

金鰲山 在城北七十里石螺盤曲前凸後凹

狀若鰲伏中有石洞雲景飛繞如黔南飛雲岩

月光道人修煉其中後昇仙去

青龍山 在城北六十里出礦產銅

禮社江 一名元江源自白崖合蘭滄遠府城

東南經納樓蒙自南達于海

溫玉泉 在城西北八里石罅迸出如湯

三江 在城西南三百里上流之東曰阿墨江

發源無量山東之西曰把邊江即阿墨分流又

西曰九龍江即蘭滄江從景東來者凡三江總

會於府界之西南舊角從此南注入海以其三

流合一故名三江

清水河 在城南三百里發源於列播山與南

倭河同源分流遠府城南流入於江

南淇河 在城北十五里發源於無量山及南

北中寨諸山流入於江

甘莊河 在城東五十里發源於黃茅嶺山右

南麻河 在城西北一百里流入江

漫線河 在城西一百二十里發源於彌陀山

流入江

峨岷河 在城西四十里

水利附

仲彝渠 在府西四十里分溉田畝東流入禮

社江

雙溝渠 源出馬籠山一清一濁土人築堰江

東田畝賴之

漫林溝 在府東十五里

呼遮溝 在府東十五里

河灣溝 在府東十三里

萬喇溝 在府南十里

都峨溝 在府南十五里

萬鍾溝 在府南十七里

們島溝 在府南十五里

都郎溝 在府南二十里

小燕溝 在府南二十里

上乾謀溝 在府南十五里

下乾謀溝 在府南十五里

納整溝 在府南十二里

新溝 在府西十五里

龍洞溝 在府西十二里

們湧溝 在府西十一里

達摩溝 在府西五里

漫漾溝 在府西十五里

你疊溝 在府西十五里

們線溝 在府西十四里

們果溝 在府西十三里

漫費溝 在府西北十三里

紅土坡溝 在府西北十八里

達深溝 在府西北十五里

琳瑯溝 在府西北一十五里

安樂溝 在府北二十里

拔樂溝 在府城北一百二十里

麻沐樹溝 在府西北二十八里

大茶庵溝 在府東二十里康熙九年僧淨依

具呈開挖知府潘士秀捐俸修給照邵得貴免

路通鋪三家塘夫

三家溝 在府東三十里康熙三十九年知府

段志熙新開勸民墾荒

元江府城池考

通志

元江府城池 元大德中那中建三面瀕河高

二丈周九里

皇清順治十六年大兵收復元江焚燬元江協與知

府重修康熙五十一年知府章履成副將林國

賢重修東城樓扁曰承恩門西城樓扁曰康阜

門南城樓扁曰沐薰門北城樓扁曰拱辰門城

梁二千七百餘口外無月城

元江府關梁考

通志府志合載

猛甸關

瓦阨關

杉木關

定南關

青龍關 在府城北六十里

界牌關 在府城西南三百里元江鎮沅者樂

三交界

廣德橋 在府南城外康熙九年知府潘士秀

副將王起龍建康熙五十年知府章履成捐俸

重修

萬壽橋 在府南城外蜀人厲士龍於康熙三

十年建隨圯知府單世重建

青溪橋 在府南城外康熙五十一年守備趙

國柄重建

大石橋 在普洱城南五里許康熙四十五年

義民蕭世寅子習章習詔重建

漫利橋 在城西北七十里康熙四十五年經

歷鍾呂進士蕭勃同建

混龍橋 在府西四十里阿南村跨峨嶺河長

三丈闊一丈許

康濟橋 在府北門外

南安橋 在府南門外

石橋 在德化鄉

西城橋 在府西十五里

藤橋 在府西一百里

義興橋 在三台坡下康熙十年知府潘士秀

副將王起龍暨闔郡人等同建

三板橋 在府城南六十餘里康熙四十九年

知府章履成副將林國賢守備趙國柄捐俸同

建

安樂橋 在府城西北四十里康熙五十年教

授張鳳鳴經歷劉接武訓導陳岡伯同建

大南麻橋 在府城北一百三十里康熙四十

九年知府章履成副將林國賢守備趙國柄捐

俸同建

太平橋 在府城南一百二十里因遠鄉明崇

禎五年土舍那崙建

皇清康熙三十年知府單世重修

迎恩橋 在府城南一百三十里滑霖鄉明萬

曆三十年里民胥尚祿建

皇清康熙四十年知府羅鉉重修

他郎大橋 在府城南三百里康熙五十年知

府章履成重修

元江府公署考

通志

元江府治 在府城內德化坊明洪武十五年建

皇清順治十六年勦滅那酋改土設流復加增修康熙四年知府潘士秀重修康熙三十七年知府段志熙改建城北後知府姚諸相繼增修儀門臨汝坊

通判署 在普洱順治十七年通判馬天來建

康熙五十一年通判張景偉復加增重修

經歷司署 在府內康熙五年經歷周忠建康熙四十四年經歷鍾呂重修康熙五十二年經

歷劉接武相繼重修

開封倉 在城內

元江府學校考

通志

元江府儒學 在府治東北明洪武二十六年建永樂七年重修嘉靖四十年遷於府治北萬曆二十五年土舍那天祐重修彝中向學者鮮諸生多以臨安府屬人充之教官亦僑寓臨城天啓三年始建元庠署於建水州學左以爲師生講習之所

皇清順治十六年改土設流學署遷於府城內歲久多毀康熙九年知府潘士秀建大成門二十六

年副將毛來鳳知府紀振乾通判陳大受教授

丁熾南相繼重修兩廡名宦鄉賢祠明倫堂啓聖宮二十九年知府單世教授李發甲修圍牆

及殿前月臺開鑿泮池三十四年知府段自熙教授徐自昌重修櫺星門增廣殿前月臺三十

九年知府姚諸重修大成門鑿廣泮池復修牆垣一百丈四十一年知府李育德教授蒲易藩

經歷劉俊捐俸修尊經閣四十三年知府羅鉉

教授楊廷傑訓導楊復元經歷倪正禮捐俸重

修啓聖祠五十年知府章履成因日久傾圮重

修大殿五楹東西兩廡十四楹五十二年教授

張鳳鳴訓導陳岡伯捐俸修志道據德依仁游

藝四齋居仁由義二坊

北池書院 在府治後明嘉靖間建今廢

文昌書院 在府治右康熙五十一年知府章

履成新建

義學 二一在府城內一在他郎康熙二十九

年知府單世捐俸延師訓課

育才義學 康熙五十二年知府張履成建延

明師訓迪至今應童子試者二百餘人

普洱義學 在普城內康熙二十九年通判陳

大受捐俸延師訓課

元江府戶口考

通志

本府設居彝方原未編審人丁者樂甸長官司亦係彝方並無人丁

元江府田賦考

通志

地畝原係彝方並無夏稅地畝

田畝原係彝方免丈照納

原額秋糧本折米一千九百三十石二斗一升

五合又新增元江普洱秋糧本色米五千一百

五十四石二斗一升五合內有臨安府慢車寨

年納秋米六十石因地近臨安改歸臨安管轄

徵解外

元江府止該實徵秋糧米五千九十四石二斗

一升五合

實徵地畝銀二百二十兩二錢四釐七毫一絲

七忽八微四纖五塵

附額徵

花斑竹銀八十五兩耗銀六錢八分全徵

差發並酌易共銀五百三十五兩四錢九分五

釐二毫三絲五忽全徵商稅銀三十五兩二錢

全徵

新增田錢地講銀五千五十三兩二錢三分六

釐全徵內有臨安府慢車寨年納銀六十兩改歸臨安管轄徵解外

元江府止該銀四千九百九十三兩二錢三分六釐浪媽等六寨地租銀二百八十五兩全徵查田錢地講浪媽等銀據該府詳稱係新增之項彝民重困請減一半已造入全書未蒙除減普洱元江二處商稅銀一千六十四兩八錢全徵

以上額徵共銀七千二百一十九兩六錢一分五釐九毫五絲二忽八微四纖五塵起運

布政司項下起運銀六千三百七十七兩五錢七分五釐九毫五絲二忽八微四纖五塵存畱

俸工項下官役俸食共銀七百九十六兩四分支給項下祭祀銀四十六兩本色

額徵秋糧本折米七千二十四石四斗三升聽糧儲道支用報銷者樂甸長官司

原係彝方亦無田地額徵秋糧折色米七十石三斗五升聽糧儲道支用報銷

實徵地畝銀八兩二分五釐七毫三絲九忽五纖起解布政司

元江府風俗考 通志府志合載

舊志地方瘴癘四時多熱一歲再收境內擺彝居多性懦氣柔惟酋長所使

圖說蠻種繁處強弱惇悍不同皆緣箐而居信鬼尚巫葬用火化設流之後風化漸開但庠序雖興皆屬外郡寄學而少土著

明一統志男女混淆檳榔致禮家重積藏六月念五日為星回節燃松炬於街衢釀飲村落照田占歲相傳漢時有彝婦阿南夫為人所殺誓不從賊以是日赴火死國人哀之因此為會一云南詔皮羅閣欲并五詔將誘會於松明樓焚殺之鄧賤詔妻慈善測其謀勸夫勿赴夫不從以鐵釧約夫臂既而果被焚慈善認釧得夫尸歸葬皮羅閣聞其賢欲娶之慈善閉城死節滇人以是日燃炬弔之一云孔明以是日擒孟獲侵夜入城父老設燎以迎後遂相沿成俗未知孰是

元江府祠廟考 通志府志合載

風雲雷雨山川壇 在府治東

社稷壇 在府治西

郡厲壇 在府治北

城隍廟 在府治北

武安王廟 在禮社江上

文昌宮 在府治北

土主廟 在府治北

東嶽廟 在府治東

三元廟 在府治西南

關帝廟 在府城東南二百里木龍鄉

馬王廟 在府城內副將李毓枚守備黃賢合

協兵丁全建

娘娘廟 在禮社江上

寺觀附

萬壽寺 在府治北

興佛寺 在府城內

甘露寺 在玉臺山

皇清康熙九年建

妙蓮寺 在府治西南一百三十里元時建

金鰲觀 康熙九年知府潘士秀副將王起龍重建

大名庵 在城南五里康熙十三年建

息行庵 在城南三十里峨嶺山

圓照寺 在普洱城南門外三里村元時建

迎恩寺 在城東十里康熙五十二年知府章履成副將林國賢守備趙國柄教授張鳳鳴訓

導陳阿伯經歷劉接武合郡紳士軍民全建

廣德寺 在城西南三百七十五里魚島鄉山

麓明崇禎七年郡人刁大勳重建

碧蓮臺寺 在普洱城北一里許明萬曆四十

年土舍那天福全孫那崙那崙建

皇清康熙五十年通判張景偉監生區成干重建

準提閣 在城中康熙三十年蜀女朱氏建

毘盧閣 康熙四年知府潘士秀副將王起龍

建康熙四十五年副將林國賢重修

大魁閣 距城九十里筆碩村康熙四十九年
生員楊廷楨楊之林合村民全建

玉皇閣 在城西南三十里魚島村

文星閣 在他郎鄉康熙五十年李有科楊從
先車應祖合鄉全建

太和宮 在府西四十里老武山

北極宮 在城東三家村元至正年間建

老君殿 在寶山麓大名庵右明崇禎十一年
隱逸鄧魁春建

皇清康熙四十年重修

元江府兵制考

通志

皇清開滇兵制
元江協 順治十七年設駐元江府

副將一員 守備一員

千總二員 把總四員

馬戰兵一百名 步戰兵四百名

守兵五百名

皇清復滇兵制

元江協副將仍舊制駐元江府

守備一員 千總二員

把總四員

馬戰兵一百名 步戰兵四百名

守兵五百名

元江府驛遞考

府志

因遠驛 按明通志在府治東本府歲辦因遠
驛站馬鋪陳俱係土舍那怒應付

元江府物產考

通志

抹猛果 樹高丈餘葉大如掌熟於夏月味甘

檳榔 一名仁頻樹高數丈旁無附枝正月作

房從葉中出一房百餘實大如核桃剖乾和蘆

子石灰嚼之色紅味香按明一統志土人呼爲

馬金囊

荔枝 僅數本味酸肉薄

普洱茶 出普洱山性溫味香異於他產

降真香

麒麟竭 木高數丈葉類櫻桃脂流樹中凝紅
如血爲木血竭又有白竭

蘇木

鱗蛇膽 有黃黑二種長丈餘具四足能食鹿

春夏在山秋冬在水土人取食之其膽治牙痛

解諸毒黃爲上黑次之

元江府古蹟考

府志

石煙 在他郎卜左村石坳中通一竅最深有

煙裊裊四時不絕居民以煙所指卜吉凶

元岡異石 在三江水匯處週圍丈餘大每月

三現奇花見者以爲吉徵

三色蓮 在青龍廠山下蓮花塘週圍三百餘

丈池內自產青白紅三種蓮

古龍洞 在城西十里許峨岷山洞蛟龍潛伏

其中夏秋時每鼓浪壞民禾稼郡人刁伐持利

刃入洞斬之洞內怪石玲瓏如雲如蓋如繆絡

如犀象熊虎麟鳳仙釋之狀

上溫泉 在城北十五里水沸如鼎無硫磺氣

人浴其中色白如玉上有石亭林木蒼鬱峭壁

插天郡內奇觀

棲霞石乳 在山半間中有石洞高二丈餘深

三丈洞內懸兩石乳水蓄乳頭不輕滴郡中有

求嗣者禱於山伸掌乳下以所滴點數占驗子
嗣之多寡若乏嗣者至終日不滴

太極池 在府北十里半石半水左右有兩眼宛如太極池中之水四時不竭

石巖寺 在普洱城西南二里懸巖嶙峋石磴而上林木幽秀殿閣參差春秋之交百花開放人入其中宛如桃源仙境

禱應泉 在玉臺山半僧道臨步禱而出水清冽歷四時不竭

龍馬跡 按明一統志在府西大石上相傳昔有異人乘龍馬過此畱跡焉

風伯雨師壇 按明一統志在府城西有五小石土人皆貼以金遇旱禱雨於此松柏茂鬱若仙境然

元江府土司考
通志
結白土巡檢
舊係魯魁山賊目至方從化於康熙二十七年總督范承勳委黃明馬山招撫從化向化題授土巡檢世職

土官那氏明洪武初那中率衆歸附授土知府尋設流官興學校嘉靖中那鑑爲亂布政使徐樾率諸路兵討之鑑置毒江上流人馬飲之輒死師少却縱象馬蹂躪官兵徐公中流矢而卒

那鑑懼自殺遂革其官令臨安衛指揮往署之印猶藏那氏家每官書移白指揮屢向取印必以彝兵蜂擁伺之署訖復擁去自鑑至天福纂兄自立沿至嵩

皇清平滇嵩投誠順治十八年與僞總兵高應鳳許名臣叛討平之改設流官

車里宣慰司

卽古產里商初以象齒短狗獻至周復入貢周公作指南車導之歸故名車里元世祖命將兀良吉解伐交趾經其部悉降之至元中置車里路軍民總管府領六甸後又請置耿東路耿東當孟弄二州明洪武十七年改車里軍民府十九年改宣慰使司永樂元年刁邏答內侵掠官吏西平侯請討之上命以理論暹答悔懼還所擄及地遣使入謝至嘉靖間附於緬萬曆十一年官兵擊緬宣慰刁糯猛遣使貢象進方物兄居大車里應緬使弟居小車里應漢使明末刁木禱襲

皇清平滇木禱投誠題授宣慰世職其地東至落恐蠻界南至波勒蠻界西至八百宣慰司界北至元江府界西北通孟連長官司由者樂甸西南行十一日至其地山曰猛末曰光山江曰沙木曰九隆民皆獫狁性頗淳額上刺一旗爲號作樂以手拍羊皮長鼓雜以銅鏡銅鼓拍板其鄉村飲宴則擊大鼓吹蘆笙舞牌爲樂
種人
彝人 性樸素勤耕作語言服色及婚喪祭禮

多與漢人同男不衣帛女不飾金近日多知向學延明儒訓子弟雖單寒之家亦拮据勉力望子有成文武兩途中多有游泮者

獫狁 性好淫男女喜笙歌婚娶不用媒妁兩相悅始婚媾焉近城居者慕漢俗婚喪葬祭與漢俗同近日粗知向學習俗漸易游泮子弟亦彬彬可觀焉

裸獠 性梗頑喜淫殺多相聚作盜其婚姻男女相悅始通媒妁朝則持弓弩遊於山原暮則笙歌嘯聚歌舞不休貪利好財遇商多劫擄葬不用棺悉以火化

阿泥 秉性儉樸食茹飲淡男勤耕女勤織不敢爲非路不拾遺居家男女事長下氣柔聲服食居處多與漢人同男將婚告知族人女將嫁亦告族人兩家會親然後婚媾死葬同漢俗

卡情 性頑鈍喜歌舞男女多苟合遇婚娶通媒妁之日議聘金八九十兩不等所以娶妻多有子孫代祖父賠聘者故娶妻之家見媳生女喜不自勝若連生數子以爲受累異常葬用火化

糯比 卽阿泥之別種男環耳跣足婦衣花布衫以青布繩辮髮數絡海貝雜珠盤旋爲螺髻穿黃白珠垂臂爲絡喪無棺死擊鑼鼓搖鈴跳舞名曰洗鬼忽泣忽飲三日採松爲架焚之
山蘇 居於山巔無陶瓦木片覆屋耕山種收麥皮履布衣器以木擺錫爲飾又名曰扯蘇
儂人 其種在元江與廣南同是儂智高之黨

竄於此者棲居無椅凳席地而坐脫履梯下而後登甘犬嗜鼠婦人衣短衣長裙男子首裹青花悅衣粗布如絺長技在銃蓋得之交趾者刀盾鎗甲寢處不離日事戰鬪方楊普李四處徇獮好稱善戰不敢入境窺伺諸彝中之最強者沙人習俗多同儂人慄勁過之惟元江境內止在惠遠定南二里地產老杉生懸崖千丈間伐之多無全材器用木婚葬以牛爲禮強梁稱勝諸彝畏服

僕喇 婚喪與獮獮同而言語不通蓬首跣足衣不浣濯臥以牛皮覆以羊革氈衫在寧州者強悍專務標掠在元江石屏者良善畏法首插鷄羽男子服紅白緯衣婦女白衣葬用火化黑鋪其俗與阿泥同而言語微異性巧慧善作宮室元江器用竹几竹牀竹桌竹凳竹梯備極精巧雖漢人不能過男多黧黑女微白以上接下皆以禮畜養山羊不食羊肉彝中最善者苦葱居無定處緣箐而居衣粗食淡故以苦名刀耕火種常食苡麥男女衣服多同糯比

元江府部藝文一

重修玉臺寺記

明楊慎

由來名都盛郡皆有奇峯異嶽狀一方之偉觀元江東五里許山名玉臺層巒聳翠蜿蜒插天拱棲霞而襟長江其勝景也前郡丞李公璧有詩云樹密雲橫鎖山高鳥倦飛爭看臺似玉可作上天梯洵足狀玉臺之大槩矣自滄桑變而風景移山堂古刹半頽傾於蠻煙瘴雨之間余謫滇南自丙午庚戌間數數經涉其地自改土設流而戶口村邑彫敝蒿目傷心幸潘公有羔羊素絲之節招徠安輯多方綏撫歷經三十餘年余復游其間觀人戶之繁庶廬舍之鱗集塵市之輻輳田野之墾闢人文之蔚起不禁喟然興感曰地方之起色視乎在上之培養洵不可誣適有僧寂證者詣余請曰玉臺爲元江名景勝國以前稱極勝兵燹以後僅存基址僧因募化修葺幸郡守樂善好施修廢舉墜力新鼎建給示墾荒以供香火而裕常住更於山嶺疏鑿水道一渠以濟行渴而溉福田其功誠不可沒也誠恐事遠年湮爲豪強輩侵占有負郡公盛舉用乞一言以垂不朽余不敏亦不敢以不文辭因思夫昔之良吏如黃霸之治潁川龔遂之治渤海考亭之守漳州子瞻之撫蘇湖其循聲懋績歷久彌芳千載心碑豈易磨滅寧境隨時會爲升沉哉功德難以思議有其舉之莫敢廢也公之功德不共山高水長耶何庸記僧曰卽以是爲記

元江府部藝文二

來青軒

明李東陽

離元方半載又復到來青山色看常在江聲聽不停豪吟傾白墮靜坐對黃庭世事真如醉還欣我獨醒

北極宮

前人

官衙殊寂寂隨興到琳宮入壑人家聚綠崖草徑通屏開青嶂列花發紫薇濃半日消閒夢歸途夕照紅

元江雜紀

楊慎

荒遠元江風土偏彝民古樸尚依然居家有米無煩鑊入市需鹽不用錢十樹檳榔中戶產兩栽秔稻上農田難堪炎氣經年盛臘月猶如六月天

二

冬杪炎蒸尚不停平生聞見未曾經黃瓜茄子園中熟麥穗苗秧野外青山色枯焦無潤澤人容憔悴甚伶仃家家平屋重鋪土蔽日藏陰得少寧

三

郡城雖熱瘴猶平再入彝方毒不輕稻穗垂時須謹避檳榔開處莫頻行感深發啞終難救蓄淺成災尚可生最忌貪花兼愛酒猶當珍重保長庚

四

諸彝交錯漢人稀各種音聲舉措非裹布焚民橫短鞘桶裙裸婦沒中衣山蘇遷徙無長業糯比兇頑多殺機更有窩泥能作賊保頭通例不容違

五

九龍江外是窮邊交趾暹羅緬甸連諸猛歷來常犯境老撾自古不朝天越裳重譯先周貢車里分符近代傳籌國甚毋勤遠略徒勞動衆耗金錢